

Anc 2495 vischnancas en Svizra

■ (anr) **En Svizra datti dapi l'entschatta da 2012 anc 2495 vischnancas. Quai èn 56 damain ch'in onn avant.** En tut èn 79 vischnancas sa fusiunadas a 23 pli grondas corporaziuns. En il chantun Vad èn 48 vischnancas s'unidas en il decurs da l'onn passà a 12. L'entschatta da quest onn èsi stà en il medem chantun anc ina giada 17 vischnancas ch'èn sa

fusiunadas tar 4. En ils chantuns da Bern, Friburg, Soloturn, Grischun ed Argovia èn 14 vischnancas sa fusiunadas cun l'entschatta da quest onn a 7.

1860 aveva la Svizra anc 3146 vischnancas. Dapi alur sa smiuescha il dumber da questas. Ils davos 20 onns è il trend tar main, dentant pli grondas vischnancas sa cuntinuà. Quai vegn probabla-

main a succeder er ils onns proxims.

Ed en il Grischun?

En il Grischun devi l'onn 1854 en tut 227 vischnancas. Avant 100 onns era igl anc adina 223. L'onn 2010 dentant 180. Davent da l'entschatta da quest onn existan en il Grischun anc 176 vischnancas.